


Mientras nos handicaptan ta worde negligisha

Minister di Asuntonan Social ta sinta na cas trankil sin hinca man den e asunto serio aki



ORANJESTAD (AAN): Den e dianan aki tin un asunto cu ta causando hopi indignacion den nos comunidad ta e asunto caminda gobierno ta dicidi di entama un caso contra e Fundacion pa esnan cu un deficiencia intelectual.

Den conferencia di prensa, Parlamentario Otmar Oduber a lamenta tambe con gobierno di Aruba ta neglighando nos personanan handicap y cu ta prefera di gasta 120 mil Florin pa bay China, caminda no sa te dia di awe kico ta e resultado di esaki, pero ta dicidi pa manda un stichting cu ta atende cu nos personanan cu un capacidad intelectual huez pa bay paga un miyon Florin caminda un solo abogado ta cobra 200 mil Florin den e caso aki.

E parlamentario a manifes-

ta cu nos a yega na e punto di mas abao cu por ta existi den e pueblo aki si mira e forma di proceder di gobierno. Banda di esaki a bisa cu no ta mira e minister di Asuntonan Social ni un caminda. "E unico momento cu bo ta mira e minister aki

A enfatiza cu e ora ey nos no sa mes si na Aruba tin un minister di Asuntonan Social. A señala cu ta un berguena pa mira con pueblo aki a degenera pa lora ta trata e maneho cu e minister aki a hiba pa asuntonan social den e comunidad aki.

Oduber a cuestiona e hecho cu un fundacion cu ta haci uso di transporte publico di un compania di gobierno, cu ta haya subsidio di 6 miyon Florin pa aña, ta dicidi di no duna servicio mas na e fundacion aki. Contrario na esaki, ta dicidi cu ta bay

pone un beslag y cu ta bay entama un caso pa un suma di un miyon Florin for di e fundacion aki, caminda un solo abogado ta cobra 200

mil Florin, mientras e minister di asuntonan social ta sinta na cas trankilo y no ta dicidi di hinca man den un asunto asina serio.

Polis a bay envolve su mes den caso di entierro

ORANJESTAD (AAN): Den oranan di atardi e señora di inicialnan A.L.L. di 37 aña a dicidi di bay warda di polis pa reporta lo siguiente. E señora a splica e agente cu a tende cu su tata a fayece di 29 di juni ultimo.

Locual ta molestia denunciante cu e muher di su tata no a a bise nada. Riba dje e muher no kier wak nan na cas di su tata tampoco. Segun e relato policial ta menciona cu e señora S.K.R. di 61 aña, a bise cu bay hiba paña y potret di su tata na funerario. Polis a bay na e direccion di señora S.K.R. na Weg Fontein pa nan papia cune.


E señora a splica polis, cu hopi tempo caba yiu di e

homer ta rabia riba dje. Ademá e homer a bise ora e muri tur cos ta regla na Mementomori y su entierro ta paga y e ta laga testament atras.

E señora tambe a conta polis el a hiba potret y a duna polis paña pa hiba. Tambe e señora a laga sa cu e no tin nada mas pa papia y comenta, y e cas ta di dje y e ta spera riba e testament.

Polis a entremete pa e yiu muher di e defunto pa hiba e paña pa funerario pa bisti e defunto pa asina e worde dera. Polis no ta spera cu lo por bay surgi problema riba e dia di entierro entre esnan cu ta na bida ya cu e defunto mes no sa kico ta pasando.

DEAD MEN TALK ATROBE!!



BEST DEAL

Tel: 5827100

(Pariba di Aruba Bank, Paradera)

Sticker Book



cuminsando for
Afl. 1,=